

**E**t ie oi une autre uoix dou  
 ciel qui dit estes deli mes  
 pueples & ne soies psonier  
 de ces fais. et uos ne reseureis  
 nulles de ces plates. car sui  
 pechies sont monteis iulqs  
 au ciel. et li sires recorde lors  
 pechies. rendre ali si com elle  
 rendit auos et renders li au  
 double selonc ses euures & lou  
 wiure que elle uos mellait  
 melleis li au doubles tant  
 com elle se glorifiait et fut  
 en delices. tant li doneis tor  
 mens & plours. pour ceu q̄l  
 le dit en son cuer. ie suis con  
 me roine. ne ne suis pais ur  
 ue. ne ne uaurai mais chose  
 dont ie soie a malaise. parce  
 li uandront ces plaies e vn  
 ior. mors & plours. & fains.  
 et en feu serait liuree. car foĩ  
 est li sires qui la uigerait. et  
 cil ploront et se plaindront  
 sus les tois de la tĩe. qui avec  
 li ont fait fornication. et

ont uescut en ces delices. q̄t  
 il uauront son arson & lai  
 fumee il esteront en sus. p̄  
 la pour de ces tormens et  
 diront. Wai. Wai. icelle gũs  
 cite babilone. celle cite fort  
 qui en une soulle hore est  
 uenus ces iugemens & est  
 destruite.

**S**e que la uoix amoneste  
 lou pueple dixer fors  
 de babilone. signifie q̄ laĩte  
 escriture nos pche & amou  
 nete que nos ne confermies  
 nĩe uie. ne nĩe euure alaĩ  
 gũt multitude dou monde.  
 Se que elle dit que len li  
 doublaĩt selonc ces euures.  
 signifie que li amis nĩe sig  
 nor qui sont tormenters en  
 cors uigeront si auĩ q̄ les  
 tormenterent en tormes de  
 cors & darmes. et por pinne  
 qui lor aueront fait soffĩr  
 une petite eure. aueront poi  
 ne pduurable. Se que la uoix